
Қува туманида Янгиланиш ва яшариш айёми – Наврўз олам кўтаринки руҳ ва катта шодиёна билан нишонланди

Қува туманида “Ҳар кунинг Наврўз бўлсин, жонажон Ўзбекистоним!” деб номланган байрам тадбири бўлиб ўтди.

Янграган карнай-сурнай садолари, Деҳқон бобо, Наврўзой ва миллий либосдаги жарчилар барчани Наврўзи олам билан муборакбод этиб, байрам шодиёналарига чорлади.

Байрам шодиёналари ўтказилган Аҳмад ал-Фарғоний мажмуасида миллий урф-одатларимиз, анъаналаримизни ўзида мужассам этган Наврўз айёми муносабати билан оммавий байрам сайли ташкил этилди.

Намойиш этилган ҳунармандчилик маҳсулотлари, миллий либослар, шунингдек, миллий ва баҳорий таомлар кўргазмалари юртимиздаги тўкинлик, файзу бараканинг нишонаси бўлди. Дошқозонларда ош дамланиб, Наврўз дастурхонининг шоҳ таоми – сумалаклар тайёрланди.

Байрам саҳнасида намойиш этилган бадиий дастурлар, жажжи кичкинтойлар, сўз усталарининг чиқишлари, эл ардоғидаги санъаткорларнинг дилрабо тароналари барчага кўтаринкилик ва хуш кайфият улашди.

Наврўз байрами шодиёналари туманнинг барча масканларида, меҳнат жамоалари, маҳаллаларида кўтаринкилик билан давом этмоқда.

2023-03-17 19:03:39